



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KТРО 0020903 21
Sarajevo, 13.04.2022. godine

SUD BOSNE I HERCEGOVINE
SARAJEVO
-Sudiji za prethodno saslušanje-

Na osnovu člana 35. stav 2. tačka i) i člana 226. i 227. st. 1. ZKP-a BiH, podižem:

OPTUŽNICU

Protiv: <

MIČETA MILANA, zvanog „Čigra“, [redacted] rođenog
[redacted] 1978. godine [redacted] državljanina BiH i R
Srbije, [redacted]

Što je:

Dana, 08.07.2021. godine u jutarnjim satima na području općine Jablanice, u mjestu Donja Jablanica, zatečen da u vlastitom putničkom motornom vozilu marke „Peugeot“ tip „807“, metalik sive boje, registarskih oznaka [redacted], broja šasije [redacted], prevozi 3.500 paklica cigareta, bez akciznih markica i dokaza o porijeklu, sakrivenih u „dodatnom prostoru“ ispod patosa zadnja tri sjedišta vozila, koji je namjenski prepravljen tako što je dodatnim pomagalom „letvom“ omogućeno podizanje „kompletnog“ patosa iza vozačevog i suvozačevog sjedišta kako bi se dobio taj „dodatni prostor“ u koji je smješteno tih 3.500 paklica cigareta od kojih: 500 paklica marke „Gala society super slims mentol“, 1.000 paklica marke „Bellagio premium“, 500 paklica marke „Gala society black“, 500 paklica marke „Ashford king size silver“, 500 paklica marke „Ashford king size blue“ i 500 paklica marke „Romienes super“, koje se u smislu člana 6. stav 1. tačka c) Zakona o akcizama u Bosni i Hercegovini („Sl. glasnik BiH“, broj: 49/09 i broj: 49/14) smatraju duhanskim

prerađevinama, sa ciljem da ih stavi u prodaju, čime je postupio suprotno članu 25. stav 1. Zakona o akcizama u BiH, jer se navedene duhanske prerađevine u smislu člana 4. stav 2. tačka b) Zakona o akcizama u BiH, smatraju akciznim proizvodom i koje kao takve, prije stavljanja u promet, moraju biti obilježene akciznim markicama na način propisan poreznim zakonodavstvom BiH, a u kojoj prodaji je spriječen izvršenom kontrolom navedenog vozila od strane policijskih službenika Državne agencije za istrage i zaštitu.

Dakle, proizvode koji nisu bili obilježeni kontrolnim i poreznim markicama na način propisan poreznim zakonodavstvom BiH, pokušao staviti u promet, odnosno prodaju,

Čime je počinio, krivično djelo Nedozvoljen promet akciznih proizvoda iz člana 210a. stav 1. KZ-a BiH, u vezi sa članom 26. KZ-a BiH.

TUŽILAC
TUŽILAŠTVA-TUŽITELJSTVA BIH